

Bingzgvei Gih Guh Hoihyinhoyz Coengh-rengz Minzcuz Doxgiet Cauhmoq Hwngfat

平桂区举办音乐会助推民族团结创新发展

7 nyied 30 hauh, Hocouh Si Bingzgvei Gih guh bi 2022 aen hoihyinhoyz doengxhaemh Byaguh-bozsanh cukmaenh gij eiqsik caezcaemh Cunghvaz Minzcuz caeuq cauhyuh aen gih guhyiengh daengx biengz lijyouz guekgya. Byaguhbozsanh daeng ronghyubyab、vunz lai vunz daih, danz gujcwng、boq dig、cuengq sing doeg sei daengj biujyienj langhbaj le gak yiengh

vwnzva Cunghvaz Minzcuz. Daj guh hong cauhaeb minzcuz doxgiet baenaj, Bingzgvei Gih mboujduenh heuh、yinx daeuj engq lai vunz camgya hozdung, doidoengh minzcuz doxgiet cauhmoq hwngfat, caiq cukmaenh gij eiqsik caezcaemh Cunghvaz Minzcuz.

(Liengz Dozyau/梁铎耀 Yez Vanhging/叶欢敬 Yauz Gijvwnz/姚启雯)

► Canghfwen youq gwnz daizheiq eu fwen.



▲ Bouxbing ndeu gangj goj saekhoengz hawj daihgva.

Haeuj Ranzbing Doegsaw Bing Minz Ranz Caen Ndeu

书香进军营 军民一家亲

7 nyied 28 hauh, gij cwnghz veijyenz laeng Laizbinh Si Yinhcwngz Yen laeb aen doih gagnyienh fugsah bae daengz Vujgingj Cunghdui Yinhcwngz, haiguh hozdung “angqcoux Ngeihcib Daih • haeuj ranzbing doegsaw”. Gyoengqde soengq saw hawj bouxbing, caeuq guenbing guh aen hoih faenyienj doegsaw、bau gyaujswj daengj, angqhoh aen ciet laeb bingdoih, gyalai cingzngaih guenbing caeuq lwgminz.

(Fanz Saugvangh/樊绍光)

Vanzgyangh Gaenxmaenx Ra Roen Moq Gyoeb Guenj Lajmbanj

环江积极探索农村基层综合治理新途径

Bineix doxdaeuj, Vanzgyangh Mauznancuz Swciyen gaenxmaenx doihengz aen dihi guenleix vangigwzva gyoeb guenj lajmbanj coenghregz saenqhwnz lajmbanj. Lumjbaenz laeng Sinzloz Yangh Mbanjsanhangangj couh miz seiqcib roek boux vangigwzyenz. Daengz seizneix, gyoengqde guengh bau hawj baihgwnz caiq gaijgez le seiqcib bet gienh saeh vunzlai gaenj、hoj、you、muengh guh haenx, ndigah vunzlai cungj haenh mbouj dingz. Vanzgyangh yaek laebdaeb haeuj lajmbanj fugsah vunzlai, hwnqguh aen diemj guhyiengh, hawj cwnzgogj gunggeng duetgungz caeuq hwnghoengh lajmbanj doxciep hwnjdaeuj.

(Mungz Hungzgyauz/蒙宏谦 Dwng Haijgez/邓海杰 Cinz Yigenh/覃义坚 Cinz Cunhgwng/覃春根)



▲ Gyoengq vangigwzyenz youq ndawreih yienq vunzlai.

Mungz Hungzgyauz ingj

Dangzgoq Goeng'ik Ngoenzgyaj Haigangj La

暑期公益课堂开课啦



▲ Bouxgagnyienh ndeu cingq hawj lwgnyez hwnjdangz.

7 nyied 21 hauh daengz 31 hauh, Gungcinghdonz Denzyangz Gihvej cujcz le hajcib bouxgagnyienh guh hozdung bi 2022 “ngoenzgyaj lai-yienh gvansim lwgnyez majhung”, hai doengh dangzgoq lumjbaenz guh doxgaiq、vehveh、fapldw daengj. Aen hanghmoeg neix daj bi 2019 hainduj, gaenq fugsah cien lai boux lwgnyez ndaw segih senj dieg, bang gyoengqde gvaq gvenq ndwenngoenz hawsingz, hawj vunzlai senj dieg senj ndaej okdaej、youq ndaej onj、ndaej baenzmiz.

(Luz Siulingz/卢秀灵 Goz Hungzsanh/郭泓杉)